


Bashamento di bala formal den zona di ambiente nocturno



ORANJESTAD(AAN): Dia-domingo den oranan di marduga un caso serio a keda registra caminda un total di dos persona a keda herida cu tiro procedente di arma di candela.

Tur cos a cumina ora cu personal di warda nos costa cu tabata pasando banda di e zona di Royal Plaza a mira con un of mas persona cu arma di candela den man tabata basha bala riba otro nan.

Den un forma relampago e polis cu tabata formando parti di warda nos costa a logra detene un di esnan cu a tira cu a resulta di ta Jonathan Benjamin Martinez naci na Aruba 24-09-1982 y biba na Mandolinstraat.

E ta estudiante di MTS kende na 2003 tabata sera caba pa menaza cu arma y no tin mucho tempo cu el a sali.

Aunke ta conoci kende su amigo ta, tog Jonathan Martinez no kier basha abao ainda

pasobra ta su brother.

Aki ta trata di un tal Polaman kende demas testigonan a mira cu un revolver preto den man.

Esnan cu a bira victima ta e motociclista di Curacao cu ta na Aruba cu vacacion relaciona cu 18 di Maart y tambe Johan Mejia un miembro di e gang di Madiki kende tabata e target di e dos tiradornan.

Un total di cinco tiro Johan

Mejia a haya mientras cu e bala perdi a coy e motociclista den su pia unda despues el a haya yudanza banda di patras di Royal Plaza.

E otro victima Johan Mejia a logra haya un lift den un taxi caminda el a yega Hospital.

Ayera den oranan di merdia ainda e tabata ser opera pa dokternan pa trata na saca e balanan for di den su curpa.

Recherche tin e caso aki bao completo investigacion unda ayera ainda nan a bay na e lugar unda e caso a pasa pa asina splica mas of menos unda e cos a pasa y trata na haya evidencia necesario ainda na e sitio.

Jonathan Martinez tabata sera caba na 2003 pa intento di asesinato awor tin cu bay duna cuenta di un otro caso serio.

Loke ta di lamenta ta cu na poli polis no a logra haya nada mesora despues di e caso pasobra cu a sera porta pa nan.

Algo sigur di lamenta.

Confirmacion 18 di Maart

Andy Lee candidato nobo di AVP

Un hoben professional cu kier yuda renoba politica

ORANJESTAD(AAN) Pron to lo tin un ceremonia special caminda e profesional respeta den comunidad, Drs. Andy Lee lo anuncia su participacion den AVP.

E participacion aki a keda haci pa e Director di Centraal Bureau Statistiek mes, Andy Lee, den presencia di lider di AVP, Mr Mike Eman, durante e exitoso evento 18 di MAART, na Cas Di Partido.


Andy Lee a bisa prensa cu "mi kier yuda cambia politica den sentido cu nos ta wak hopi negativismo den politica actualmente y mi no ta nada di acuerdo cune. Mi ta haya cu politica tin un otro funcion den un sociedad unda cu e tey pa regula problemanan social cu tin y no pa kibra hende ni pa kibra institucionnan.

"Den cuadro di esey mi kier traha pa duna mi aporte. Pero na otro banda mi ta kere cu mi lo tin un aporte riba tereno di economia unda cu



mi ta trahando actualmente via Centrale Bureau di Statistiek. Siendo politico nobo mi ta kere cu mi lo por tin contribucion riba diferente tereno y mi ta spera di por haya e oportunidad pa contribui na esaki tambe. Asina cu mi por haya e apoyo aki mi lo ta dispuesto pa duna mi aporte tambe na mi pais."

SOCIAL DEMOCRAT PLUS!!



BEST DEAL
Tel: 5827100
(Pariba di Aruba Bank, Paradera)

BEST SHOPPING DEAL
Turibana Plaza
Tel: 5865455

TV
60 Second
ABS
PROGRAM

60 Second
ABS
Afl: 35,=